

ՀԱՇՎԵՏՎՈՒԹՅՈՒՆ
ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐԻ ՏԵՂԱԿԱԼ ԱԼՖՐԵԴ ՔՈԶԱՐՅԱՆԻ ԵՎ
ՄՇԱԿՈՒԹԱՅԻՆ ԺԱՌԱՆԳՈՒԹՅԱՆ ԵՎ ԺՈՂՈՎՐԴԱԿԱՆ ԱՐՇԵՍՏՆԵՐԻ
ՎԱՐՉՈՒԹՅԱՆ ՊԵՏ ԱՍՏԴԻԿ ՄԱՐԱԲՅԱՆԻ
ՎՐԱՍՏԱՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Գործուղված անձինք

*Ալֆրեդ Քոչարյան
Աստղիկ Մարաբյան*

2. Զբաղեցրած պաշտոնը

*ՀՀ ԿԳՄՍ նախարարի տեղակալ
ՀՀ ԿԳՄՍ նախարարության մշակութային ժառանգության և ժողովրդական արհեստների վարչության պետ*

3. Գործուղման վայրը և ժամկետները

Վրաստան, ք. Թբիլիսի, մարտի 23-25, 2023 թ.

4. Հրավիրող կողմը

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն Հովհաննես Թումանյանի մահվան 100-րդ տարելիցի միջոցառումներին:

6. Քննարկված թեմաները.

- Հայկական մշակութային ժառանգության հանրահռչակում,
- Հայ-վրացական մշակութային համագործակցության ընդլայնում:
- Վրաստանում Հայաստանի մշակույթի օրերի կազմակերպում

7. Հանդիպումները, ելույթները, բարձրացված կամ քննարկված հարցերը

2023 թ. մարտի 23-25-ը Վրաստանի մայրաքաղաք Թբիլիսիում տեղի ունեցած ամենայն հայոց բանաստեղծ Հովհաննես Թումանյանի մահվան 100-րդ տարելիցի միջոցառումները, որոնք մեկնարկեցին Խոջիվանքի գերեզմանատանը հոգեհանգստի կարգի անցկացմամբ: Հաջորդիվ Գ. Լեոնիձեի անվան գրականության թանգարանում բացվեց «Թումանյանը և Թիֆլիսը» խորագիրը կրող ցուցահանդեսը, որին ներկա էր

Վրաստանի մշակույթի, սպորտի և երիտասարդության նախարարի տեղակալ Իրակլի Գիվիաշվիլին: Նա հանդես եկավ ողջույնի խոսքով՝ կարևորելով հայ-վրացական բարեկամական կապերը և հետագա զարգացման հեռանկարները:

Մարտի 24-ին Վ. Սարաջիշվիլու անվան պետական կոնսերվատորիայի դահլիճում տեղի ունեցավ հիշատակի համերգ. ելույթով հանդես եկավ «Գեղարդ» երգեցիկ խումբը՝ թումանյանական խոսքի ու կոմիտասյան երաժշտության համադրությամբ: Համերգին ներկա էին Վրաստանի խորհրդարանի առաջին փոխխոսնակ Գիա Վոլսկին և Վրաստանում հավատարմագրված երկրների դեսպաններ: Հիշատակի միջոցառումներն ամփոփվեցին «Հովհաննես Թումանյանի տուն» մշակութային կենտրոնում:

ԵԼՈՒՅԹՆԵՐ

23.03.2023

Նախարարի տեղակալ Ալֆրեդ Քոչարյանը Գ. Լեոնիձեի անվան գրականության թանգարանում կազմակերպված «Թումանյանը և Թիֆլիսը» խորագիրը կրող ցուցահանդեսի բացմանը հանդես եկավ ելույթով: Անդրադառնալով Հովհաննես Թումանյանի գրական ժառանգությանը և հայ-վրացական պատմական փոխառնչությունների համատեքստում նրա ունեցած բացառիկ դերակատարմանը՝ նախարարի տեղակալը կարևորեց երկու ժողովուրդների միջև բարեկամական կապերի և փոխահամագործակցությունը հետագա ընդլայնումը:

ՀԱՆԴԻՊՈՒՄՆԵՐ

23.03.2023

Աշխատանքային հանդիպում Վրաստանի մշակույթի, սպորտի և երիտասարդության նախարարի տեղակալ Իրակլի Գիվիաշվիլի հետ:

Հանդիպման ընթացքում անդրադարձ է արվել մշակույթի ոլորտում հայ-վրացական կապերի հետագա զարգացման հեռանկարներին, քննարկվել են Վրաստանում Հայաստանի մշակույթի օրերի անցկացման ժամկետները և ծրագրային հարցերը, ինչպես նաև միջազգային հարթակների և ծրագրերի շրջանակում համատեղ նախաձեռնություններով հանդես գալու հնարավորությունները:

24.03.2023

Աշխատանքային այց Թբիլիսիի Պետրոս Ադամյանի անվան պետական հայկական դրամատիկական թատրոնի

Այցի շրջանակում հանդիպում է կայացել Թբիլիսիի Պետրոս Ադամյանի անվան պետական հայկական դրամատիկական թատրոնի տնօրենության հետ, քննարկվել են թատրոնի վերաբացման ժամկետները և հետագա գործունեության ծրագրային հեռանկարները, այդ թվում Եղիշե Չարենցի անվան գրականության և արվեստի թանգարանի հետ համագործակցությամբ ցուցահանդեսի կազմակերպման հնարավորությունը:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

- Պայմանավորվածություն ձեռք բերվեց վրացական կողմի հետ համարել մշակել Վրաստանում Հայաստանի մշակույթի օրերի ծրագիրը, ինչպես նաև խորացնելու համագործակցությունը միջազգային ծրագրերի շրջանակում,
- Վրաստանում Հայաստանի դեսպանության հետ որոշվեց Վրաստան գործուղել մասնագետների խումբ՝ Խոջիվանքի գերեզմանատան բարեկարգման նպատակով:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

- Ընդլայնել համագործակցությունը մշակութային ժառանգության պահպանության և հանրահոշակման ուղղությամբ,
- Ընթացք տալ Գ. Լեոնիձեի անվան գրականության թանգարանի և Հովհաննես Թումանյանի թանգարանի միջև համագործակցության հուշագրի ստորագրմանը,
- Առաջիկայում Վրաստան գործուղել մասնագետների խումբ՝ Խոջիվանքի գերեզմանատան բարեկարգման հարցերի կազմակերպման համար:

10. Ստորագրությունը, ամսաթիվը:

Մարտի 28, 2023 թ.

Ալֆրեդ Քոչարյան



Աստղիկ Մարաբյան

